

予按所稟不同、常見氣弱者、往往生子多羸、或
母病陰虛、稟來已弱、加以過勞、及鑿竅太早、鑿
喪天真、遂成陰虛、咳嗽吐血、骨蒸、非染也、曾見
一家五人悉病此、已殞其三家、中競覓屍、更藥
予以丹溪法、大補氣血、使陽旺、生陰、繼以大造
丸、二人俱無恙、

咳嗽發熱、人多用滋陰藥、四物二門、坎離之類、
脾胃受虧、不食惡心、泄瀉卒至、不救、不知氣血
全賴脾胃、飲食化生、必須先固脾胃、于土中補

金金旺生水、火自滅矣。常以白朮為君、麥門為佐、濃煎膏服。最妙。火未盛者、加人參、陰虛服人參、轉劇者不治。

天靈蓋散

天靈蓋

年深沉泥漬朽者良三錢炙黃

虎糞內骨

一錢酥炙虎腸

取出者亦可

青蛇腦

豆大酥炙色黃為度

鱉甲酥炙黃色一兩九肋

者良安息香

半斤

桃仁

去皮尖共為末

檳榔

一枚另末

青蒿

六兩取近土三四寸者

麝

一錢另研

跂

一百粒

葱根

三十箇

東引桃李桑柳枝

各七枝長七寸

楓葉二十斤童便半斤

先將青蒿桃枝葱豉等以官升量水三升煎至半升去渣入天靈蓋桃仁等末加童便煎去渣至四五合下檳榔麝香同研勻作一服清晨溫服被覆取汗汗內或有細虫以布拭去燒之次瀉下虫卽入火焚之棄灰并衣被于長流中用藥切不可令患人知之十日後元氣稍復再進一服

骨蒸發熱脉細數咳嗽午後甚者秦艽鱉甲散

効汗多倍黃芪

按秦艽柴胡風藥也熱極生風骨蒸非此不能
引邪從毫竅而出鱉屬陰用甲者骨以及骨之
義烏梅味酸引諸藥入骨而收其熱青蒿味苦
解饑熱當歸和血引藥入血分地骨知母滋陰
羅太無犀角河車丸治傳屍有驗用河車一具
鱉甲醋炙桔梗胡黃連白芍藥大黃敗鼓皮心
醋炙貝母膽草黃藥子知母各錢半犀角硃砂
一錢芒硝蓬朮煉蜜丸每三四十丸空心酒下

咳嗽不得眠，喻化丹間服麥冬膏。

即太平丸加百藥煎。

好色人色白，脉大無力，咳嗽者，瓊玉膏最捷。

咳嗽有血，勞傷肺氣所致，雞絲散妙。

見咳血門。

虛勞肺腎脾受症者多，發熱咳嗽，十居八九大。

抵不過滋陰補肺，健脾四物，苓朮地骨二母二。

門阿膠玄參之類，但見聲啞不食泄瀉者，不治。

勞嗽不食，或吐或瀉，是胃與脾病，先用參苓白。

朮散，俟中氣復，再議滋陰。若泥于肺熱，不可服。

參之說，則束手待斃矣。

虛勞嗽蛤蚧補肺極効。及治久嗽不愈。肺間積
虛熱久。則成瘡。故嗽出膿血。晝夕不止。喉中氣
塞。胸膈噎痛。用蛤蚧阿膠生犀角鹿角膠羚羊
角各一兩。除膠外。皆爲屑。次入膠。分四服。每服
河水三碗。並細細呷之。

身瘦屬火。因火消爍也。肉脫者不治。

傳戾勞。寒熱交作。久嗽咯血。日益羸瘦。先以三
拗湯散其寒熱。次以蓮心散。乃丹溪法也。藥皆
發泄。有丹溪之灼見者。乃可用之。昧者不可輕

試以備參考可耳

二十四味蓮心散

川歸

黃芪

甘草

鱉甲

醋炙黃

前胡

柴胡

獨活

羌活

防風

防已

茯苓

半夏

黃芩

陳皮

阿膠

炒成珠

官桂

芍藥

麻黃

根不去節

杏仁

另研

南星

蓮心

此味常用蓮花肉鬚

川芎

枳殼

炒各半錢

芫花

醋蜜色撮

右薑棗煎服待吐有異物芫花漸減少蓋芫

元反甘草所以殺蟲炒之所以斷熱去寒妙

處在此

三拗湯

見喘門

麥門冬膏

見嗽門

直指方云瘵蟲食人骨髓血枯精竭不救者多人能平時愛護元氣保養精血瘵不可得而傳惟夫縱慾多淫精血內耗邪氣外乘是不特男子有傷婦人亦不免矣然而氣虛腹餒最不可入勞瘵之門弔喪問殯衣服器用中皆能乘虛而染觸間有婦人入其房覩其人病者思之勞氣隨入染患日久莫不化而爲蟲治療之法大

抵以保養精血爲上去蟲次之

傳屍紫庭方用乳香燒薰病人手仰掌以帛覆其上良久手背出毛長寸許白而黃可治紅者重青黑者必苦重之無毛卽非傳屍乃屬虛損用參芪溫補

氣血虛甚發熱成勞者補天丸加骨蒸藥卽知母黃柏地骨麥門秦艽青蒿鱉甲竹葉烏梅之類

勞瘵發熱青蒿飲子最妙醫者宜多合以濟人

本少而功多、勞瘵取虫、古方雖有天靈蓋散等
法、然既屬陰虛、恐服此暝眩藥、未必効而且傷
仁德、智者不爲也、無已則白蠟虫、花椒、棟根法、
或可代之、

丹溪曰、勞瘵必歸重于一經、如足脛酸、腰背拘
急、遺精白濁、面色黃黑、耳輪焦枯、脉沉細而數、
知其邪在腎也、宜四物加黃柏、知母、五味、天靈
澤瀉、杜仲、肉桂之類、入童便、竹瀝、薑汁、

王損庵曰、勞瘵古方、獺肝、天靈蓋、狸骨、銅鎖鼻、

徒有其說，未見有效。惟炙崔氏四花穴膏，盲、皃者，或有取効，遲亦不濟。

心勞如或心神驚悸，怔忡無時，盜汗自汗，心煩，瀝口舌生瘡，咯血，面赤，脉洪而數，其邪在心也。前方去杜仲、牛膝、澤瀉、肉桂，加茯苓、胡黃連、連心、遠志、菖蒲、硃砂之類。

肺勞其或咳嗽喘促，衄血，皮膚枯燥，時吐痰沫，脉微虛而瀋數，知其邪在肺也。四物加沙參、麥門、五味、二母、桔梗、桑皮、地骨、款花、紫宛、馬

兜鈴百合百部之類

肝勞 症脇痛目赤面青頰赤多怒虛陽不斂夢
與鬼交甚則卵縮筋急脉弦而數邪在肝也
四物加竹茹膽草柴胡黃芩青皮竹葉之類
脾勞 其或面色痿黃唇陷焦燥飲食無味腹痛
腸鳴瀉痢四肢倦怠脉虛濡而數知其邪在
脾也宜以四君湯加酒炒白芍藥蓮肉薏苡
山藥猪苓澤瀉扁豆之類

凡骨蒸勞熱元氣未脫者炙崔氏四花穴無有

不安

百勞丸用熟大黃四錢水蛭蜜丸各十四當歸
乳沒人參各一錢蜜丸作一服百勞水下亦是
去勞瘵有積者今人用滋陰藥不應則坐以待
斃嗚呼術豈有盡耶

五臟勞極七情傷損久之蒸熱臍腹有塊作痛
脹滿不能食中必有乾血經絡傷破而然外症
必見肌膚甲錯兩目暗黑大黃虜虵丸主之乾
血不去則新血不生况瘀留于中養虎成害此

說不可不知其方用乾漆桃仁蚘蚘以逐乾血
君以大黃佐以芍藥地黃生新血也杏仁甘草
致新氣也黃芩驅腸胃熱乃仲景良方

療論

醫案曰此症屬足三陰虧損虛熱無火之症故
晝發夜止夜發晝止不時而作當用六味地黃
丸爲主以補中益氣湯調補脾胃若脾胃先損
者補中益氣爲主以六味地黃丸溫存肝腎多
有得生者若誤用黃柏知母門冬之類復傷脾

胃飲食日少、諸臟愈虛、元氣下陷、腹痞作瀉、又
不可救矣、衄血吐血之症、因虛火妄動、血隨火
而泛行、或陽氣虛不能攝血歸經而妄行、其脉
弦洪、乃無根之火、浮于外也、大抵此症多因四
五月火土大旺、金水衰涸之際、不行獨宿、淡泊
滋味養陰、及冬月元陽潛伏之時、走洩真元、至
春末夏初、頭痛脚軟、食少倦怠、注夏之病、或誤
服剋伐之藥、或酒色自戕、少有老態、猶不知謹
卒至真陰大虧、脉細而數、遂成勞瘵。

如左脉虛細而弱，是腎水不足也。六味、地黃丸。
右尺脉遲軟，或沉細而數，欲絕，是命門之相火
不足也。八味丸。
兩尺脉微弱，是陰陽俱虛也。十補丸。此皆滋其
化源也。

灸崔氏四花穴

先一穴，令患者平身正立，取一細繩蠟之，勿令
展縮。男左女右，脚底堅踏之，其繩前頭與大拇
指端齊，後頭循當脚跟中心，向後引繩，從脚脛

肚貼肉直上至曲膂中大橫紋截斷

橫紋卽委中

又令患人解髮分兩邊令見頭縫自息門平分至腦後却平身正坐取向所截繩一頭令與鼻端齊引繩向上正經頭縫至腦貼肉垂下循脊骨引繩頭向下至繩盡處當脊骨中以墨記之

墨點不是灸處

又取一繩子令合口將繩子按于口上兩頭至吻却鈎起繩子中心至鼻孔根下如么此便齊兩吻截斷將此繩展令直於前量脊骨上墨點